

Ամերիաբանկ ՓԲԸ (այսուհետ՝ Բանկ) «Հրավիրիր ընկերոջդ» ծրագրի ներքո արշավի պայմաններ
(այսուհետ՝ Արշավ)

1. Բանկի այն հաճախորդները (այսուհետ՝ հրավիրող), որոնք **2026թ. սեպտեմբերի 15-ից մինչև նոյեմբերի 1-ը ներառյալ** (այսուհետ՝ արշավի գործողություն) «Հրավիրիր ընկերոջդ» ուղղորդման ծրագրի շրջանակում **MyAmeria** հավելվածից «Հրավիրիր ընկերոջդ» ֆունկցիոնալի (այդ թվում՝ անհատական կողի) միջոցով կուղղորդեն Բանկի հաշվետեր հաճախորդ չհանդիսացող այլ ֆիզիկական անձի (այսուհետ՝ հրավիրվող) հեռավար եղանակով դառնալ Բանկի հաճախորդ, բացել հաշիվ և պատվիրել **Mastercard Digital** տեսակի քարտ (այսուհետ նաև՝ Հաջողված ուղղորդում), հնարավորություն կստանան մասնակցելու **Արշավին**, որի շրջանակում՝

1.1 Հաջողված ուղղորդումների քանակը **5 և ավելի լինելու դեպքում** Հրավիրողը կստանա **5000 ՀՀ դրամի չափով խրախուսման վճար** (ՀՀ օրենսդրությամբ սահմանված հարկերը ներառված չեն) յուրաքանչյուր հաջողված ուղղորդման համար Արշավի գործողության ժամկետի ավարտին՝ մինչև **2026 թվականի նոյեմբերի 5-ը ներառյալ**, «Ամերիաբանկ» ՓԲԸ-ում բացված իր բանկային հաշվին:

1.2 Հրավերը մինչև 2026 թվականի նոյեմբերի 1-ը ներառյալ հաջողությամբ ընդունելու և նշված պայմաններին բավարարելու պարագայում **Հրավիրվողը մինչև 2026 թվականի նոյեմբերի 5-ը ներառյալ կստանա 1000 ՀՀ դրամ խրախուսման վճար** «Ամերիաբանկ» ՓԲԸ-ում բացված իր քարտին:

2. Արշավի պայմանները կիրառելի են, եթե պահպանված են ստորև պահանջները.

- Հրավիրողը պետք է հրավերն ուղարկված լինի առավելագույնը **մինչև նոյեմբերի 1-ը ներառյալ**,
- Հրավիրվողը Բանկի հաճախորդ պետք է դառնա և պատվիրի **Mastercard Digital** քարտ հեռավար եղանակով՝ գրանցվելով հրավերի արդյունքում ստացված SMS հաղորդագրության հղմամբ կամ գրանցվելու ժամանակ օգտագործի Հրավիրողի անհատական կողը,
- Հրավիրվողը պետք է վերոնշյալ եղանակով Բանկի հաճախորդ դառնա և պատվիրի **Mastercard Digital տեսակի քարտ 2026թ. թվականի սեպտեմբերի 15-ից մինչև 2026թ. նոյեմբերի 1-ը ներառյալ**,
- Խրախուսման վճարի ստացման համար հրավիրողը պետք է ունենա 5 և ավել հաջողված ուղղորդում, եթե հաջողված հրավերների քանակը փոքր է 5-ից, ապա խրախուսման վճար չի տրամադրվում,
- Արշավի ամփոփման պահին՝ **նոյեմբերի 5-ի դրությամբ**, հրավիրողը և հրավիրվողը պետք է հանդիսանան Բանկի հաշվետեր հաճախորդ,
- Հրավիրվողը չպետք է լինի **2025թ. հունիսի 1-ից** հետո փակված և արշավի շրջանակում վերաբացված հաճախորդ:

Հրավիրի ընկերոջ

Ընդունվել է Բանկի Տնօրինության 10.10.2024թ. թիվ 01/148/24 որոշմամբ,
սույն խմբագրությունը՝ 03.09.2026թ. թիվ 01/136/26 որոշմամբ, և ուժի մեջ է 14.09.2026թ-ից:

1. Սահմանումներ

- 1.1. **Ուղղորդում**՝ Բանկի ծառայություններից օգտվելու նպատակով անմիջապես Ուղղորդող անձի կողմից կամ Բանկի կողմից Ուղղորդող անձի անունից Ուղղորդվող անձին հրավերի ուղարկում, որը կարող է իրականացվել Բանկի Հեռավար սպասարկման համակարգում հասանելի եղանակով Ուղղորդման հղում պարունակող հաղորդագրություն ուղարկելու միջոցով, այդ թվում՝ Ուղղորդող անձի կողմից Ուղղորդվող անձի կոնտակտային տվյալները Բանկին տրամադրմամբ/Հեռավար սպասարկման համակարգ ներմուծմամբ, և/կամ Ուղղորդող անձի կողմից Պրոմոկոդի տրամադրմամբ կամ տարածմամբ:
- 1.2. **Ուղղորդող անձ**՝ Բանկի Հաճախորդ, ով իրականացրել է Ուղղորդում:
- 1.3. **Ուղղորդվող անձ**՝ ֆիզիկական անձ, ով Ուղղորդման հղման և/կամ Պրոմոկոդի կիրառմամբ դիմել է Բանկի ծառայություններից օգտվելու նպատակով:
- 1.4. **Ուղղորդման հղում**՝ ունիկալ մեկանգամյա օգտագործման հղում, որը Բանկին հնարավորություն է տալիս նույնականացնել համապատասխան Ուղղորդող անձին և Ուղղորդումը:
- 1.5. **Պրոմոկոդ**՝ Բանկի կողմից Ուղղորդող անձին տրամադրվող և/կամ Բանկի Հեռավար սպասարկման համակարգում Ուղղորդող անձի կողմից գեներացվող կոդ, որի կիրառմամբ Բանկը նույնականացնում է համապատասխան Ուղղորդող անձին և Ուղղորդումը:

2. Ուղղորդման ծրագրի պայմաններ

- 2.1. Սույն Հավելվածը սահմանում է Բանկի «Հրավիրի ընկերոջ» ուղղորդման ծրագրի (այսուհետ՝ **Ուղղորդման ծրագիր**) պայմանները:
- 2.2. **Ուղղորդման ծրագրին** մասնակցելու համար **Ուղղորդող անձը** իրականացնում է **Ուղղորդում**:
- 2.3. **Ուղղորդող անձը**, **Ուղղորդման ծրագրին** մասնակցելով, համաձայնում է, որ **Ուղղորդվող անձին** հասանելի դառնա **Ուղղորդող անձի**՝ **Բանկի** հաճախորդ լինելու փաստը:
- 2.4. **Ուղղորդման ծրագրին** մասնակցելու համար **Ուղղորդվող անձը** պետք է անցնի հաղորդագրության մեջ նշված **Ուղղորդման հղումով** և/կամ կիրառի **Պրոմոկոդը**, և իրականացնի պահանջվող գործողությունները՝ տվյալ **Ուղղորդման ծրագրով** առաջարկվող **Ծառայությունը** ստանալու համար: Բանկի կողմից կարող են սահմանվել **Ուղղորդման ծրագրին** մասնակցության հավելյալ պայմաններ: **Ուղղորդումը** համարվում է հաջողված, եթե **Ուղղորդվող անձը** սույն կետում նշված գործողությունների արդյունքում ստանում է **Ուղղորդման ծրագրով** առաջարկվող **Ծառայությունը**, և/կամ տեղի են ունենում **Բանկի** կողմից սահմանված՝ **Ուղղորդումը** հաջողված համարվելու այլ պայմանները (առկայության դեպքում):
- 2.5. **Ուղղորդվող անձը**, **Ուղղորդման ծրագրին** մասնակցելով, համաձայնում է, որ **Բանկի** հաճախորդ դառնալու դեպքում՝ **Ուղղորդող անձին** հասանելի դառնա **Ուղղորդվող անձի**՝ **Բանկի** հաճախորդ լինելու փաստը:

- 2.6. **Բանկի** կողմից **Ուղղորդման հղման** և/կամ **Պրոմոկոդի** համար կարող են սահմանվել վավերականության ժամկետ:
- 2.7. **Բանկի** կողմից իրականացվող արշավների, միջոցառումների և/կամ այլ հատուկ առաջարկների շրջանակներում **Բանկի Հաճախորդների** ներգրավումը քաջալերելու, **Ծառայությունների** վաճառքն ընդլայնելու նկատառումներից ելնելով **Ուղղորդման ծրագրի** ներքո հաջողված **Ուղղորդման** դիմաց կարող են սահմանվել խրախուսանքի միջոցներ՝ դրամական վճարումների, զեղչերի և/կամ այլ հավելյալ հնարավորությունների տեսքով: Խրախուսանքի միջոցները, դրանց չափերը և տրամադրման կարգը սահմանվում են **Բանկի** կողմից իրականացվող արշավների, միջոցառումների և/կամ այլ հատուկ առաջարկների պայմաններով:
- 2.8. **Ուղղորդումը Բանկի** համար չի առաջացնում **Ուղղորդվող անձին Ծառայության** մատուցման պարտավորություն, քանի որ **Բանկը Ծառայություններ** մատուցում է **Օրենսդրությամբ** և **Բանկի** ներքին իրավական ակտերով ամրագրված պահանջների պահպանման դեպքում: